



ՊԱՏԱՍԻԱՆՆԵՐ

1. Բարձր լայնություններում տարածվող բուսականությունը հարմարվել է օրվա լուսավոր ժամանակահատվածի տևողությանը: Հասարակածին ավելի մոտ գտնվող լայնությունների բուսականությունը հարմարվել են օրվա համեմատաբար կարճ լուսավոր ժամանակահատվածին: Օրվա լուսավոր ժամանակահատվածի ավելի երկար տևողությունը դրանց մոտ կարող է պատճառ դառնալ պտուղների բացակայությանը:
2. Մեկուսացումը արտաքին աշխարհից կազդի բույսերի և հատկապես կաթնասուն կենդանիների տեսակային կազմի վրա. նրանք կղզու պաշարների սահմանափակության պատճառով չեն կարող գոյատևել:
3. Հողում խոնավության աստիճանի բարձրացումը կձևավորի խոնավ բուսականության համակեցություն, իսկ խոնավության ավելցուկի պայմաններում կվերաճի ձահձային համակեցության: Գրունտային ջրերի մակարդակի բարձրացումը կհանգեցնի հողում առկա աղերի թափանցումը հողի մակերևույթ, որի հետևանքով կարող է դիտվել հողի կրկնակի աղակալում:
4. Բարեխառն գոտու բույսերը ունեն ընդգծված սեզոնայնություն (տերևաթափություն) և ձմեռային ամիսներին սենյակային պայմաններում դրանց աճը կանգ է առնում:
5. Խոշոր կաթնասունները:
6. Արևադարձային գոտում գտնվողները: Այստեղ արևի ճառագայթային էներգիան Երկրի մակերևույթի վրա ավելի մեծ է:
7. Կատարվում է էներգիայի կուտակում օրգանական նյութերի ձևով: Օրինակ՝ ձահձային էկոհամակարգերում կուտակվում է տորֆի, իսկ անտառայիններում՝ փայտանյութի ձևով: Ռեդուցենտների բացակայության արդյունքում են ձևավորվել քարածխի պաշարները:
8. Բոլոր զարգացող էկոհամակարգերում տեղի է ունենում էներգիայի կու-

տակում:

9. Եթե կենսազանգվածի կուտակման և սպառման արագությունը միաչափ է: Իրականում այն անհնարին է, քանի որ էկոհամակարգի կայունությունը պայմանավորված է դինամիկ հավասարակշռությամբ, այսինքն կենսազանգվածի առաջացման և սպառման որոշակի տատանումներով և կուտակման մակարդակով:
10. Կենսազանգվածի հաստատուն աճը ուղիղ համեմատական է պրոդուցենտների կենսազանգվածի փոփոխությանը:
11. Անտառային համակեցությունները ջրայինների համեմատ ավելի արդյունավետ են, քանի որ դրանցում արեգակնային ճառագայթային էներգիան ավելի լիարժեք է իրացվում, իսկ ջրային միջավայրում լույսը վատ է թափանցում:
12. Այն էներգիան, որը չի կլանվել բույսերի կողմից նպաստում է շրջակայքի տաքացմանը և ազդում է էկոհամակարգի ձևավորման վրա: Բոլորիս հայտնի է, որ ցածր ջերմաստիճանի պայմաններում պրոդուցենտները կենսազանգված չեն ձևավորում, օրինակ ձմռանը:
13. Մարդու ազդեցությունը առավել նկատելի է տունդրայի էկոհամակարգի համակեցություններում:
14. Լեռնային արոտավայրերի մարդածին ձևափոխումները կհանգեցնեն հողերի անապատացմանը:
15. Հողմային և ջրային էրոզիային նպաստում են անտառածածկի նվազումը, գերարածեցումը, անկառավարելի գրոսաշրջությունը, գրունտային ճանապարհների ավելացումը, ճմաշերտի քայքայումը, հողերի խոր վառը:
16. Ցնցումը: